



Broj: JN1-03-16-7-32-13/22
Sarajevo, 16.11.2022.

Na osnovu člana 64. stav (1) tačka a) i člana 70. st. (1), (3) i (6) Zakona o javnim nabavkama ("Službeni glasnik BiH" broj 39/14), Poglavlja III. stav 3. Odluke o organizaciji Sekretarijata Parlamentarne skupštine Bosne i Hercegovine ("Službeni glasnik BiH", br. 92/05 i 63/08), člana 25. stav (1) Pravilnika o javnim nabavkama Parlamentarne skupštine Bosne i Hercegovine, broj: 03-02-4-2577-1/16, od 10.7.2017., na preporuku Komisije za javnu nabavku iz Zapisnika o pregledu i ocjeni ponuda, broj: JN1-03-16-7-32-12/22, od 14.11.2022. u postupku nabavke usluga obaveznog i kasko osiguranja novonabavljenog službenog vozila Parlamentarne skupštine Bosne i Hercegovine putem konkurentskog zahtjeva za dostavu ponuda, Kolegij Sekretarijata Parlamentarne skupštine Bosne i Hercegovine donosi

ODLUKU O IZBORU NAJPOVOLJNIJEG PONUDAČA

I.

- (1) Prihvata se preporuka Komisije za nabavke iz Zapisnika o pregledu i ocjeni ponuda, JN1-03-16-7-32-12/22, od 14.11.2022. i Ugovor o nabavci usluga obaveznog i kasko osiguranja za novonabavljeno službeno vozilo Parlamentarne skupštine BiH za period od jedne godine, dodjeljuje se prvorangiranom **osiguravajućem društvu EUROHERC OSIGURANJE d.d.**, ul. Trg međunarodnog prijateljstva 20, 71 000 Sarajevo, IDB 4227015330006, čija je ponuda po utvrđenom kriteriju "ekonomski najpovoljnija ponuda" sa podkrijerijima: 1. Cijena - rel.učešće 80 % i 2. Rok za naplatu štete - rel.učešće 20 %, izabrana kao najpovoljnija ponuda sa ukupnim brojem 100 bodova.
- (2) Ukupna cijena ponude izabranog ponuđača za predmetnu nabavku za period jedne godine iznosi 2.488,72 KM.bez PDV-a (usluge osiguranja su zakonom oslobođene od plaćanja PDV-a), a rok isplate štete je 1 (jedan) dan od dana dostavljanja prijave osiguranog slučaja s kompletnom dokumentacijom.

II.

- (1) Izabrani ponuđač dužan je dostaviti dokaze o kvalificiranosti u pogledu ekonomske sposobnosti (član 47. Zakona) u roku od 5 (pet) dana od dana prijema obavještenja o izboru najpovoljnijeg ponuđača, prema tački 3.7.2. Tenderske dokumentacije za konkurentski zahtjev za dostavu ponuda za nabavku usluga obaveznog i kasko osiguranja za novonabavljeno službeno vozilo Parlamentarne skupštine Bosne i Hercegovine, broj: JN1-03-16-7-32-6/22, od 26.10.2022., dok se za dokaze o kvalificiranosti po članu 45. Zakona, oslobađa obaveze njihovog ponovnog dostavljanja u skladu s Mišljenjem Agencije za javne nabavke, broj: 03-02-1-3058-2/19, od 20.11.2019., jer ih je dostavio potpuno i uredno u okviru svoje ponude.
- (2) U slučaju da izabrani ponuđač propusti dostaviti uredne dokaze o kvalificiranosti u navedenom roku ili dostavi dokaze suprotno članu 72. stav (3) tačka a) Zakona o javnim nabavkama, prijedlog ugovora će se dostaviti drugorangiranom ponuđaču.

III.

Prijedlog ugovora dostavit će se na potpis izabranom ponuđaču po isteku roka od pet dana, računajući od dana kada je ponuđač obavješten o izboru najpovoljnijeg ponuđača pod uslovom da žalba ne bude uložena i nakon urednog ispunjenja obaveze iz tačke II. ove Odluke.

IV.

Ova odluka objavit će se na web stranici ugovornog organa www.parlament.ba, istovremeno sa upućivanjem iste ponuđačima koji su učestvovali u postupku javne nabavke, shodno čl. 70. stav (6) i 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke usluga obaveznog i kasko osiguranja novonabavljenog službenog vozila Parlamentarne skupštine Bosne i Hercegovine, broj: JN1-03-16-7-32/22, od 25.10.2022. Ukupna procjenjena vrijednost nabavke za period jedne godine iznosila je 3.500,00 KM sa PDV-om. Komisija za javnu nabavku imenovana je Rješenjem Kolegija Sekretarijata, broj: JN1-03-16-7-32-2/22, od 25.10.2022. Javna nabavka provedena je putem konkurentskog zahtjeva za dostavu ponuda. Tenderska dokumentacija, broj: JN1-03-16-7-32-6/22, od 26.10.2022. objavljena je u sistemu „E-nabavke“, kao i Obavještenje o nabavci, broj: 166-7-2-32-3-44/22, od 26.10.2022. Poziv za preuzimanje tenderske dokumentacije iz sistema “E-nabavke” upućen je na tri ponuđača i to:

1. ASA OSIGURANJE d.d., Trg međunarodnog prijateljstva 25, 71 000 Sarajevo
2. GRAWE OSIGURANJE d.d., Trg solidarnosti 2, 71 000 Sarajevo
3. TRIGLAV OSIGURANJE a.d., Trg srpskih junaka 4, 78 000 Banja Luka

Tendersku dokumentaciju za nabavku usluga obaveznog i kasko osiguranja novonabavljenog službenog vozila Parlamentarne skupštine BiH sa Portala javnih nabavki preuzelo je ukupno 11 ponuđača.

Do termina zakazanog za predaju ponuda odnosno do 9.11.2022..do 10,00 sati pristigle su tri blagovremene ponuda i to:

Redni broj zaprimanja ponuda	Naziv i sjedište ponuđača
1.	SARAJEVO OSIGURANJE d.d. Sarajevo, Maršala Tita 29, 71 000 Sarajevo
2.	EUROHERC OSIGURANJE d.d., Trg međunarodnog prijateljstva 20, 71 000 Sarajevo
3	ADRIATIC OSIGURANJE d.d., Trg međunarodnog prijateljstva 20, 71 000 Sarajevo

Komisija za nabavke je izvršila javno otvaranje ponuda i evaluaciju istih, o čemu je sastavljen Zapisnik o zaprimanju ponuda, broj: JN1-03-16-7-32-8/22, od 9.11.2022., Zapisnik o otvaranju ponuda, broj: JN1-03-16-7-32-9/22, od 9.11.2022. i Zapisnik o pregledu i ocjeni ponuda, broj: JN1-03-16-7-32-12/22, od 14.11.2022., sa preporukom o izboru najpovoljnijeg ponuđača, u kojem je konstatovano sljedeće:

- da ponuda ponuđača Sarajevo osiguranje d.d. Sarajevo, broj: 01-5141/22, od 4.11.2022. je **neprihvatljiva** za ugovorni organ, jer ne sadržava rješenje nadležne entitetske agencija kojim je usvojena dostavljena Odluka društva o visini samopridržaja za 2022, kako je zahtijevano tač. 3.3. i 4.2. Tenderske dokumentacije Ugovornog organa, broj: JN1-03-16-7-32-6/22, od 26.10.2022.
- dok ponude preostala dva ponuđača Euroherc osiguranje d.d. i Adriatic osiguranje d.d. ispunjavaju sve formalno pravne, lične i ekonomsko-finansijske uslove, odnosno zahtjeve ugovornog organa, te su **prihvatljive** za ugovorni organ.

Također konstatovano je i zahtijevano pojašnjenje ponude prema ponuđaču Sarajevo osiguranje d.d. Sarajevo, kao i dostavljeni kvalifikacioni dokazi po članu 45. i 47. Zakona u ponudama ponuđača.

U Zapisniku o pregledu i ocjeni ponuda sadržano je vrednovanje i rangiranje prihvatljivih ponuda po kriteriju „ekonomski najpovoljnija ponuda“ prema metodologiji utvrđenoj u tački 4.8. Tenderske dokumentacije Ugovornog organa, broj: JN1-03-16-7-32-6/22, od 26.10.2022., te je utvrđen tabelarni pregled-rang lista prihvatljivih ponuda ponuđača, kako slijedi:

Ponuđač	Podkriteriji za primjenu kriterija ekonomski najpovoljnija ponuda	Bodovanje Podkriterij 1. maksimalno 80% Podkriterij 2. maksimalno 20 %	Rang
EUROHERC OSIGURANJE d.d. Ponuda, broj: 223031935, od 4.11.2022.	1. Ukupna cijena usluga obaveznog i kasko osiguranja za novonabavljeno službeno vozilo sa eventualnim popustom i bez PDV-a (ne obračunava se na usluge osiguranja) iznosi 2.488,72 KM.	80	1 (prvi)
	2. Ponuđeni rok za isplatu štete iznosi 1 (jedan) dan.	20	
	UKUPNI BODOVI PONUĐAČA	100	
ADRIATIC OSIGURANJE d.d. Ponuda, broj: 162/22, od 1.11.2022.	1. Ukupna cijena usluga obaveznog i kasko osiguranja za novonabavljeno službeno vozilo sa eventualnim popustom i bez PDV-a (ne obračunava se na usluge osiguranja) iznosi 2.618,12 KM.	76,04	2 (drugi)
	2. Ponuđeni rok za isplatu štete iznosi 1 (jedan) dan.	20	
	UKUPNI BODOVI PONUĐAČA	96,04	

Shodno navedenom, Komisija za javnu nabavku preporučila je Kolegiju Sekretarijata (Zapisnik, broj: JN1-03-16-7-32-12/22, od 14.11.2022.. u prilogu), da u postupku nabavke usluga obaveznog i kasko osiguranja novonabavljenog službenog vozila Parlamentarne skupštine BiH, donese Odluku o izboru najpovoljnijeg ponuđača za **prvorangirano osiguravajuće društvo EUROHERC OSIGURANJE d.d.**, ul. Trg međunarodnog prijateljstva 20, 71 000 Sarajevo, IDB 4227015330006, čija je ponuda po utvrđenom kriteriju “ekonomski najpovoljnija ponuda” sa podkriterijima: 1. Cijena - rel.učešće 80 % i 2. Rok za naplatu štete - rel.učešće 20 %, izabrana kao najpovoljnija ponuda sa ukupnim brojem 100 bodova.

Ukupna cijena ponude izabranog ponuđača za predmetnu nabavku za period jedne godine iznosi 2.488,72 KM.bez PDV-a (usluge osiguranja su zakonom oslobođene od plaćanja PDV-a), a rok isplate štete je 1 (jedan) dan od dana dostavljanja prijave osiguranog slučaja s kompletnom dokumentacijom.

Kolegij Sekretarijata Parlamentarne skupštine Bosne i Hercegovine prihvatio je preporuku Komisije za javnu nabavku da se ponuđač Euroherc osiguranje d.d. izabere za realizaciju javne nabavke usluga obaveznog i kasko osiguranja novonabavljenog službenog vozila Parlamentarne skupštine Bosne i Hercegovine putem Ugovora zaključenog na period jedne godine, te je odlučio kao u dispozitivu odluke.

Pravna pouka:

Protiv ove odluke može se izjaviti žalba u pisanoj formi Parlamentarnoj skupštini BiH – Kolegiju Sekretarijata u minimalno tri originalna primjerka u roku od pet dana od dana prijema ove odluke direktno ili preporučenom poštanskom pošiljkom.

Dostavljeno:

- SARAJEVO OSIGURANJE d.d. Sarajevo, Maršala Tita 29, 71 000 Sarajevo
- ADRIATIC OSIGURANJE d.d., Trg međunarodnog prijateljstva 20, 71 000 Sarajevo
- EUROHERC OSIGURANJE d.d., Trg međunarodnog prijateljstva 20, 71 000 Sarajevo
- Sektoru za finansije
- a/a

KOLEGIJ SEKRETARIJATA:

Mirza Imamović _____

Gordana Živković _____

Marin Vukoja _____